



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Specvlvm Monachorvm D. Bernardi, S. R. E. Cardinalis, Et Abbatis Cassinensis**

**Arnulfus <de Boeriis>  
Bernardus <Ayglerius>**

**Dilingæ, 1616**

Pars Secvnda. In qua temere profitentes & malè in Monasterijs viventes  
redarguuntur: & vtilia profitentibus inferuntur.

[urn:nbn:de:hbz:466:1-48585](https://nbn-resolving.org/urn:nbn:de:hbz:466:1-48585)

778 SPECVLI D. BERNARDI  
ptam vertuntur in vsum & consue-  
tudinem.



*PARS SECVNDA*

SPECVLI D. BER-  
NARDI ABBATIS  
CASSINENSIS.



**A**M Domino  
permittente, quę  
circa primā par-  
tem huius spe-  
culi requirenda  
videbātur, sum,  
vt potui, profe-  
quutus. In qua, quę professio mo-  
nastica exigit, videre potest Mona-  
chus sollicitus & attentus. Nunc se-  
cundam particulam, quę temerē  
profidentes redarguit, & vtilia pro-  
ficien-

ficientibus inferit, pertractandam  
aggredior: vt mihi Deus dederit.

Quæ diuiditur in duas partes,  
quarum prima continet quæ in pro-  
fessione requiruntur.

Secunda quæ in malè viuente in  
monasterio reprehenduntur.

---

CAPITVLVM I.  
IN QVO AGITVR  
DE DVOBVS QVÆ  
IN PROFESSIONE REQVI-  
runtur, ad hoc scilicet,

quod debito mo-  
do fiat.



Tota, q, quædam in  
professione requirun-  
tur quæ ante & post,  
& in ipsa, dum emit-  
titur, necessaria & uti-

H 6 lia

lia valde esse videntur ad hoc, quod professio debito modo agatur. Requiritur enim quod ad illam veniatur voluntariè. Et quod ipsa fiat discretè.

Circa primum notandum est primò, qualiter voluntas diffinitur.

Secundò quod bonum opus ex voluntate attenditur.

Tertiò quod est acceptabile, quod voluntariè impenditur.

Considera igitur quod B. Augustinus voluntatem sic diffinit: *Voluntas est animi motus, ad aliquod bonum imitandum, vel adipiscendum.* Hæc autem diffinitio satis patet in bona voluntate. Nam motus animi voluntarius in bonum, ad hoc scilicet quod est malum non imitatur, sed ut ipsum fugiat; & ut aliquid boni vel ipsum summum, ut adipiscatur, desiderat. Oportet ergo quod bona voluntas figat suum desiderium

*Voluntas  
quid.*

rium de summo bono, & abhorreat  
per consequens quod suadetur ex  
desiderio malo, & ad hoc ordina-  
tur animi motus, & disponatur in-  
trinsecus homo totus.

Quod autem bonum opus ex  
voluntate attendatur, ex verbis B.  
Ambrosij probatur: Non satis est,  
inquit, benè velle, sed etiam benè  
facere. Nec satis est iterum benè fa-  
cere, nisi ex bono fonte, id est, ex  
bona voluntate proficiatur. Nul-  
lus nisi voluntariè, primitias suæ cō-  
uersionis Deo iubetur offerre; Si-  
cut in Exodo dicitur: *Separate apud* Exodo  
35.50  
*vos primitias Domino, omni volunta-  
rius, & prono animo offerat eas Domi-  
no.* Perfecto enim corde, & volun-  
tate propriâ debemus nos officijs  
diuinis astringere; sicut Dauid Sa-  
lomon in Paralip. dicitur dixisse:  
*Salomon, inquit, fili mi, scito Deum* 1. Paralip.  
28.90  
*patri tui, & serui ei corde perfecto, &*  
*voluntario animo.* Nam si quis vo-

H 7 lunta-

luntario animo, & puro corde De-  
 um quærendo profitetur, eum pro-  
 culdubio inuenire meretur; vnde  
 in Paralip. legitur: *In omni enim cor-*  
**2: Para.** *de suo iurauerunt, & in tota voluntate*  
**15: 15.** *quæsiuerunt eum, & inuenerunt.* Certè  
 qui congregationi Religiosorum se  
 iungit, & huius sæculi mala detestã-  
 do & abhorrendo fugit, & bonam  
 voluntatem habēs regulares obser-  
 uãtias appetit, & alios sibi, & se illis  
 in solidum firmamentum cõstituit,  
 vt & ab alijs adiuuetur eius propo-  
 situm, & ipse sit alijs quodammodo  
 firmamentum; vnde legitur in lib.  
**1. Mach.** *Congregata est ad eos syna-*  
**2. 42.** *goga Assidæorum fortis viribus ex Israel*  
*omnis voluntarius in lege: & omnes*  
*qui fugiebant à malis, additi sunt ad*  
*eos, & facti sunt illis ad firmamentum.*  
 Ad tertium dici potest, quod ita bo-  
 num opus acceptabile est profitētis,  
 sicut procedit ex mente voluntaria  
 offerētis; vnde B. Hieron. dicit: Do-  
 minus

minus

minus non ea quæ offeruntur, sed voluntatē offerentiū respicit. Nam si bona voluntas in offerente votum Domino habeatur, illa, quæ respicit ad orientē diuinæ gratiæ porta, offerēti quasi singulariter aperitur, prout hoc in Ezech. dicitur: *Cum autem fecerit Princeps spontaneum holocaustū, aut pacifica voluntaria Domino, aperietur ei porta quæ respicit ad orientem.* Ezech. 46. 12.

Adeo autem voluntarius, & hilaris debet offerre Domino se & sua, quæ nulla reseruetur in animo voluntas, aut tristitia. Qui enim dat hilariter suū munus, hunc acceptabilē habet Deus, sicut dicit Apost. ad Cor. *Vnusquisque det pro ut destinauit in corde suo non ex tristitia, aut ex necessitate: hilaritatem enim datorem diligit Deus.* 2. Cor. 9. 7. Et nota quod mala voluntas hominem damnat, & bona eum à poenis liberat. Hoc B. Aug. nobis indicat: *Quis, inquit, nesciat, nec damnari hominē nisi merito malæ voluntatis, nec saluari*

saluari nisi habuerit bonam voluntatem? Iustitia enim non consummatur in opere, vbi non est bona voluntas in mente. Vnde Chryso-  
 stom. ait: Iustitia ex opere non consummatur, nisi & voluntas affuerit. Secundū enim illud quod est prō-  
 pta, est voluntas Deo amabilis & ac-  
 cepta; sicut dicit Apostolus ad Co-  
 2. Cor. 8. rinth. *Si enim voluntas prompta est,*  
 82. *secundum id quod habet, accepta est,*  
*non secundum id quod non habet.*

Sequitur de professione quod sit discreta: Quia bona voluntas non est sufficiens profitentis, nisi adsit intelligentiæ cautela, & ratio discretionis: ne fortè honorando sanctos, primò in eo quod vouit, ruina pareatur non complendo quod inconsultè promisit. Vnde in Prouerb. dicitur: *Ruina est hominum deuota-*  
 Prouer. re sanctos, & postea retractare. Ex-  
 20. 25. pone deuotare, id est, de voto suo honorare. Ad hoc igitur profiten-  
 dum



dum rationabiliter, & deliberandum sapienter, indulgetur à Regula tempus, vt informetur interim ad cautè promittendum nouitij intellectus. Ad hanc quippe cautelam est sollicitudo utilis, illa est cautela laudabilis in qua totum ratio agit. Hoc considerans prudenter Beatus Pater Noster indulget pulsanti perseveranter probationis tempus, & consulit difficultatem ingressus, ac illatas iniurias per quatuor aut quinque dies patienter portanti, in cella hospitem moram aliquibus diebus vult concedi: at exeuntem cellam hospitem, cellam vult ingredi nouitiorum. Et apponas mentem, quantam consulit sollicitudinem. Primò enim duos menses, & postea sex indulget ad deliberationem, & vltimò quatuor antequàm emittat professionem. Hæc omnia prudenter & cautè ad deliberandum largitur; sicut hæc omnia ex regu-

cap. 580

regula conceduntur, vt interim se-  
 mitas cōsiliorum discat, per quas se-  
 iturū ad Deum sciat. Et ne pedes e-  
 ius incautē offendant. pedū positio-  
 nem palpebræ considerādo præce-  
 dant; sicut legitur in Prouer, *Palpe-  
 bra tua precedant gressus tuos.* Quod  
 enim diu est deliberatū, postea ce-  
 leriter est agēdum, vt dicit Sapiens:  
*Diu delibera, & citò fac.* Non enim  
 consilia & opera nostra sunt præci-  
 pitanda, sed consultē ordinanda. Et  
 ne viuēdi ordo corrūpatur, tempus  
 deliberandi, & induciæ indulgētur;  
 vt Calixtus Papa ait: Nos tēpore in-  
 digemus, vt aliquid maturius aga-  
 mus. Non præcipitemus consilia &  
 opera nostra, ne eorum ordinationē  
 corrumpamus. Sermo enim qui per  
 maturitatē est opportunus, est ad p-  
 ferendum optimus. Et cogitationes  
 absq; consilio, de facili dissipantur;  
 sicut & vbi plures sunt consiliarij,  
 confirmantur. Vnde per Salom. di-  
 citur: *Dissipantur cogitationes vbi non*

*Prouer.*

*4.25.*

*est*

est consilium: ubi verò sunt plures cōsi- Prouerò  
 liarij, confirmatur. Et post pauca: Ser. 15. 22.  
 mo opportunus est optimus. Nec cū Deo  
 loqui temerè, sed prudenter & ma-  
 turè debemus. vnde Eccl. dicit: Ne  
 temerè quid loquaris, neq; cor tuum sit Eccles.  
 velox ad proferendū sermonē corā Deo. 5. 10.  
 Oportet præterea, q; eius, qui habuit  
 ad deliberādum tēpus, sit informa-  
 tus interim intellectus, & sic eius p-  
 missio sit voluntate fidelis ad perie-  
 uerandum, & sermone discretus ad  
 professionē emittendam. Alioquin  
 vnde Deo crederet placere? Infide-  
 liter & stultè facta promissio displi-  
 cet; sicut dicitur in Eccl. Displicet e- Eccles.  
 nim Deo, stulta & infidelis promissio. 5. 30.  
 Nos enim illa quæcunq; dū vixeri-  
 mus facturi sum⁹, intelligere prudē-  
 ter debemus; vnde legitur in Prou.  
 Sapientia callidi, est intelligere viam Prouer.  
 suam. Doctus namq; & informatus 14. 8.  
 intellectus libenter exoluitq; voue-  
 rat spontaneus, vt sic intelligatur  
 quod in Exod. legitur: Mulieres doctæ  
 red- Exod. 35. 25.

*reddunt quæ vouerant, sponte propria cuncta tribuentes.*

Et nota, quod onus illud toto tempore est portandum, & est antea quantum ponderat considerandum; & sic vt in lib. Num. legitur:

*Numer: 4:26. Vasa ministerij, iubente Aaron & filijs eius, portabunt filij Gerson, & scient singuli cui debeant oneri mancipari.*

Sunt quippe Gersonitæ portantes onera Domini, Cœnobitæ: Ipsi enim sunt, quantum ad mundum, in loco religionis aduenæ & personæ à mundo eiectæ; vnde Gersonitæ aduenæ ibi, vel eiecti interpretantur. Quia & à mundo, vt aduenæ, ad Religionis insulam deportantur, & separati à mundi conuersationibus, expelluntur. Onus igitur tantæ, & tam durabilis inuitationis, debet prouidere sapiens intuitu rationis. Et præterea, vt prudenter intelligat, quacunque parte se vertat, debet esse expectationis delibe-

deliberatio longa. Quæ quidem  
debet esse oculis prudentis vt gem-  
ma gratissima præstolans expecta-  
tio, quocumque se vertit prudenter  
intelliget. Sic enim & prudens in-  
tellectus, est Regi Regum quasi mi-  
nister; Sicut in Proverbijs dicitur:

*Acceptus est Regi minister intelligens.* Provera

Propter præmissa igitur Regula No-  
uitio frequenter legitur, vt lex, sub  
qua militaturus est, plenè intelliga-  
tur. Et sic quod habetur in Dente-

14 35.

ronomi. prudenter implebitur. *Cu-  
stodite, inquit, verba pacti huius, &* Dente

*implete ea: vt intelligatis uniuersa qua* 29. 9e  
*faciati.* Sed inter ista notandum,  
quod non est temerarius iudican-  
dus, si aliquis considerans sibi im-  
minere naufragium, & mortis æ-  
ternæ periculum, qui fortè expe-  
rientiam pœnitentiæ apprehendat  
in sæculo, vt iam offerat suum sacri-  
ficium Deo, temporū moras rum-  
pit, seq; Deo committit. Quia eius  
inspi-

inspiratio de intellectu plenius praevidit, & hoc forsitan in oratione obtinuit. De hoc legitur in Iob.

*Iob. 32. Spiritus est in hominibus, & inspiratio  
8. Omnipotentis dat intelligenciam.* Est

enim procul dubio veritatis intellectus in eo, qui ponit fiduciam totam in Deo; sicut legitur in libro Sapientiae: *Qui confidunt in Domino, in-*

*Sap. 3. 9. telligent veritatem.*

---

CAPITVLVM II.

IN QVO OSTEN-  
DITVR QVANTA  
REPREHENSIONE DI-  
gnus sit, qui iam professus male  
in Monasterio conuer-  
satur.



ICTIS superius quae  
in proficiente requi-  
runtur: Nunc quantam  
reprehensione sit di-  
gnus,

gnus, subiungitur, qui iam professus malè in Monasterio cōuersatur. Qui enim conuertitur, aut turpem vitam ante conuersionem duxit, & post conuersionem turpiter uiuit: Aut in sæculo benè vixit, & in Monasterio malè uiuit.

Qui verò in sæculo benè vixit, & innocentiam sibi seruauit, redarguendus est fortiter, quod in Religione uiuat reprehensibiliter. Quasi enim maris huius mundi vitauit pericula sine nauis suffragio, & in nauis Religionis graui perit naufragio. Abutitur enim in superbiam pœnitentiæ munere, quod ei Dominus misericorditer dedit. Et vbi est locus reconciliationis, & thesaurus redemptionis, iram Diuinæ iustitiæ sibi thesaurizare non timuit. Ex aromatum cellâ, diuersa vina, & deuotionis odorameta sibi debuit acquirere & augere; ipse verò eandem cellam foetentibus,

tibus, venenosis, & mortiferis rebus non expauit implere. Et vbi dirumpenti vincula sua, sacrificium laudis immolare debuit, ibi pro laudibus contumelias exsoluit. Vbi etiam perpetrata in saeculo mala, vel negligentias debuit corrigere, ibi non timet peiora perpetrare. Item si in saeculo male vixit, se posuit in Religionis carcere, vt ibi deberet peccata lugere. Ac vbi debet placare Dominum carceris, ibi iungit peccata peccatis. Per quæ, ad cololum proprijs manibus ponit funem, vt ad feralis patibuli ducatur suspensionem. Et si fortè funem ipsum ingrediendo religionem rupit, maiora prioribus flagitia perpetrando, funem ipsum refecit.

*Aggra-  
uantiã  
peccatũ  
mortale.  
17.*

Et Nota quod aggrauatur peccatum mortale in Monasterio cõuersantis, voti spontanea promissione, loci sanctitate, bonorum societate, benè viuendi opportunitate, beneficij



ficij receptione & sancta tractandi  
presumptione.

Voti autem prauaricatio post lon-  
gam deliberationem spontanee e-  
missi, aggrauat profitentis peccatū,  
qui corde pertinaci reddere contra-  
dicit Deo vota sua, quæ distinxerunt  
labia sua. Regula enim omnibus  
proposita est, sed non nisi volenti  
assumere imposita; sicut dicit B. Ber-  
nardus: Regula B. Benedicti omni  
homini proponitur imponitur nul-  
li: supple, nisi volenti. Et nota, quod  
talis est promissor largus, redditor  
auarus, mendax manifestus, diuisor  
pelsimus. Deo enim sua dedisse  
videtur, se verò Diabolo; & quia  
spiritui sancto mentitur, mortem  
meretur æternam; Vnde in actibus  
de Anania & Saphyra legitur, nam  
Anania dixit Petrus: *Cur tentauit*  
*Satanas cor tuum, mentiri te Spiritui*  
*sancto? Non es mentitus hominibus,*  
*sed Deo. Audiens autem Anania hæc*  
*I* *verba*

*I.*  
*Voti pro-*  
*missio.*

*Act. 5 30*

verba cecidit, & expirauit: Hic irritum  
 votum faciens Deo, meritò damna-  
 tur, & irridetur ab eo; Vnde Beatus  
 Pater Noster verbis professionis p̄-  
 missis subiungit: *Vt si aliquando,*  
*inquit, aliter fecerit, à D E O se dam-*  
*nandum sciat quem irridet.* Tali, &  
 similibus in Prouerbijs dicitur: De-  
PROV. 1.  
25. *spexistis omne consilium meum, & in-*  
*crepationes meas neglexistis. Ego quo-*  
*que in interitu vestro ridebo, & sub-*  
*sannabo cum vobis, id, quod timebatu,*  
*aduenerit, cum irruerit repentina cala-*  
*mitas, & interitus quasi tempestas in-*  
*gruerit.* Sequitur fructus quem ipsi  
 consequentur: *Comedent igitur fru-*  
*ctus vite sue, suisq; consilijs saturabun-*  
*tur.* Attende quam fatuus merca-  
 tor est talis, qui primò reliquit to-  
 tum mundum propter Deum, &  
 postea turpiter abiicit ipsum De-  
 um. Pretiosam margaritam, om-  
 nia sua & seipsum dando, emit, &  
 pro vili dilectionis pretio, eandem  
 abiicit.

abijcit. Et sic nec Deum habens  
 nec seculum; cambiatum amisit, &  
 cambium appretiatum perdidit, &  
 inter duas cellas ad terram cadit mo-  
 rientium. Vnde Beatus Bernar-  
 dus scribens cuidam moniali, ait:  
 Deum, inquit, repellens & à seculo  
 repulsa, inter duas, ut dicitur, cellas  
 corrueras: nec Deo utique viue-  
 bas; quia nolebas; nec seculo; quia  
 non poteras. Quia qui amittit De-  
 um & seculum, perdit gallinam &  
 ouum. Ipse enim aliquando Do-  
 mino potuit dicere, quod eum se-  
 quendo debebat habere, secundum  
 illud Matthæi: *Ecce nos reliquimus*  
*omnia, & secuti sumus te. Quid ergo*  
*erit nobis?* Qui summè remunera-  
 turus erat, idem Dominus est re-  
 sponsurus: *Amen dico vobis, quod vos*  
*qui secuti estis me, & reliquistis omnia,*  
*in regeneratione cum sederit filius ho-*  
*mini in sede maiestatis sue, sedebitis &*  
*vos super sedes duodecim &c, vsq; ibi:*

Matth.  
19. 27.

Ibidem  
28.

Centuplum accipiet, & vitam eternam possidebit. Cum omnia propter eum dimisissent, ipsum fatue dimitte-  
 Tob. 10. 5. *do debent ad cor reuerti, & con-*  
*queri, lamentando frequenter il-*  
*lud Domino dicendo: Omnia simul*  
*in te vno habentes, Te non debuimus*  
*dimittere ire a nobis. Na in voti pra-*  
*uaricatione Deum dimittimus, nec*  
*recuperamus amissum, quem in vo-*  
*ti conuersione habebamus ad om-*  
*nia.*

11.  
 Loci  
 sancti-  
 tas.

Loci etiam sanctitas aggrauat peccatum in monasterio male con-  
 uersantis. Quia monasteria, multa habent priuilegia sanctitatis. Ibi enim est corpus Domini verum in sacramentis, & corpus Domini mysticum in bonis personis; Nec non & corpora sanctorum in altaribus & sepulturis. Quis posset cogitare quot corpora sanctorum sunt sepulta in locis religiosis, & maxime in monasterijs maximis & antiquis, qui

qui benè seruauerunt Regulam, inter fratres suos se pacifice ac humiliter habuerunt, bona opera sua pro viribus occultantes, soli Deo noti esse studentes, & crucem Christi, per longa tempora portando obierunt, successoribus exempla sanctissima relinquendo, & vitam suam laudabiliter finiendo? Qui communibus, & nobis ignoti fuerunt traditi sepulturis: Quos quotidie calcamus immundis pedibus nostris, affectiones sordidas & morituras habentibus, & in ipsis diu permorantibus. Nonne debent mereri nostris in cordibus verbum illud Dominicum, dictum Moyse, in Exodo? *Solue calceamentum de pedibus tuis: Locus enim in quo stas, terra sancta est.* Et ne longè exempla petantur: si diligenter & attente considerantur S. Patris Nostri reliquiae corporis, & illius Beatæ sororis; nec non & suorum corpora successorum, diuersis

Exod.  
3. 5.

1 3 locis

locis sepulturæ monasteriorum traditorum. Ac etiam sanctorum ipsius Patris, & etiam aliorum, quos ei tradidit Dominus successores, ac ponderis religionis fortissimos portitores, quanta reuerentiâ esset ille locus excolendus? quântâ immunde conuersantibus terribilis & tremendus? Nonne via recta tendens ad cœlū fuit ab illo discipulo ostensa & Angelicis præconijs comendata? *Hæc est via, air, qua dilectus Domino Benedictus cælum ascendit.* Ut tanquã nouissimum omittatur, quod à Beato Cæsario de Insula Lirinensi scribitur: *O beata Lirium Insula; quæ licet sis parua & plana, magnos tamen ad cælos mittis montes.* Quis demum cogitare posset, quot Cluniacense Monasterium ad cælos miserit sanctos, viuentes cæteris occultatos, & mortuos: modernis ignotos? Hæc omnia aggrauant malè in Monasterijs conuersantes, & sanctitatem eorum

rum

rum, quos calcant, minimè atten-  
dentes. Sunt enim antiqua loca,  
quædam, *Dei ciuitas gloriosa*, quæ ta-  
les in pauimento tanquam pretio-  
sas continet margaritas. *Domus enim*  
*Religionis est* domus maiestatis diui-  
næ, quam murus pœnitentiæ & pro-  
bationis nostræ cingit. Vnde Psal-  
mist. *Replebitur maiestate eius omnis*  
*terra*: trita scilicet sancta conuersa-  
tione. Est etiam domus Religionis,  
porta gloriæ domus maiestatis diui-  
næ. Quia ibi est sonus orationis de-  
uotæ, & plenus suauitate, dum di-  
uina maiestas ibidè à fidelibus ado-  
ratur. Et ideo domus orationis pro-  
priè appellatur in Mattheo. *Domus*  
*mea, domus orationis vocabitur*. Hæc  
domus pro mansione sua à Domi-  
no eligitur, & ideo priuilegium ei  
conceditur, quod salus ibi manenti-  
bus à Domino largitur. Vnde in  
Luca ad Zachæum à Domino dici-  
tur: *Hodie in domo tua oportet me ma-*

*Domus*  
*Religio-*  
*nis quid*

*Psalmus*  
*72. 190*

*Matth.*  
*21. 13.*

*Luc.*  
*19. 50*

*nerē.* Et post pauca : *Hodie salus domui huic facta est.* Quia igitur Dominus frequenter eam visitat, solerter est purganda, ne quid horrendum ibi Saluator inueniat, vt contra habitantes, quod legitur in Osee,

*Osee. 6.*  
*10.* conquerendo dicat : *In domo Israel vidi horrendum : ibi fornicationes Ephraim :* contaminatus est Israel Et

*Jerem.*  
*7. 11.* illud Ieremix : *Ergo spelunca latronum facta est domus ista, in qua inuocatum est nomen meum in oculis vestris?* Ne quasi conquerendo dicatur

*Jerem.*  
*11. 15* similiter ab eo illud eiusdem Ieremix : *Quid est, quod dilectus meus in domo mea fecit scelera multa?*

*Exhortatio.* Attende igitur quod in loco sancto est versandum bene, & diuinis laudibus insistendum, ad æternam beatitudinem promerendam; secundum illud psalmi. *Beati qui habitant in domo tua Domine : in secula seculorum laudabunt te.* Dixi etiam

*Psalms*  
*83. 5.* *claustrum, pœnitentiæ esse caminum,*



minū, qui datus est nobis a Deo. Sed nos per superbiam eo abutimur; sicut in Iob legitur: *Dedit ei Deus locū* *Iob. 24*  
*pœnitentiæ, & ipse abutitur eo in super* *23*  
*biam.* Ibi enim habet virginitatis, & omnis mūditiæ argentū, venarum principium. Ibi locus, vbi patientiæ, humilitatis, & obedienciæ verissimum probatur & conflatur aurum. Ibi duritia cordis calore Spiritus sancti soluitur, & in æs ductile conuertitur. Ibi cœlesti conuersatione simili modo habet propriè locum Saphyrus, & quæ ibi videntur humiliora, sunt auro pretiosiora, vt de his omnibus intelligantur, quæ in Iob his verbis leguntur: *Habet argentum venarum suarum principia; & auro locus est, in quo conflatur.* *Iob. 28*  
*Ferrum de terra tollitur: & lapis solutus calore in æs vertitur.* Et post pauca: *Locus Saphyri lapides eius, & gleba illius aurum.* Et nihilominus terra conuersationis sanctæ benedictionis

Aionis locus: nam ex rore diuinæ  
 gratiæ, & ex charitatis pinguedine  
 benedictione abundat; vt in ea lau-  
 dabiliter viuens, fructus benedictio-  
 nis colligat: & benè cōuersanti Mo-  
 nacho, illud Gen. conueniat: *In pin-  
 Gen. 27. 39. guedine terra, & in rore cœli desuper,  
 erit benedictio tua.* Hæc enim bene-  
 dictio, est hæreditas B. Bened. pro-  
 prie, quæ datur in eius terra lauda-  
 biliter conuersanti, ad quã quilibet  
 Monachus vocatur, qui eius Regulã  
 imitando sequitur. Vnde conuenit  
 ei & similibus, q̄ in Canon. B. Petri  
 1. Pet. 3. 9. scribitur: *In hoc vocati estis, vt bene-  
 dictionẽ hæreditate possideatis.* E con-  
 tra sanctos in ea quiescentes vitupe-  
 rant malè ibidem conuersantes, &  
 ideo excōmunicantur quodammo-  
 do, quoniã à visione gloriæ exclu-  
 duntur; sicut in Esa. legitur: *In terra  
 Esa. 26. 10. sanctorũ iniqua gessit, & non videbit  
 gloriã Domini.* Locus insuper Reli-  
 gionis, porta, quæ ducit ad vitã, dici-  
 tur: quia ibi consiliorũ altitudo ser-  
 uatur;

uatur; sicut in Matth. dicitur: *Intrate* *Matth. 7<sup>o</sup>*  
*per angustam portā: quia lata porta, &* *13<sup>o</sup>*  
*spatiosa via est, q̄ ducit ad perditionē;*  
*& multi sunt, qui intrāt per eā. Quam*  
*angusta porta, & arcta via est, quæ*  
*ducit ad vitā? & pauci sunt, qui inue-*  
*niunt eam. Terribilis est autem hæc*  
*porta Demonibus, amabilis cœlum*  
*petentibus. Per hanc enim descē-*  
*dunt ad Religiosos agmina Ange-*  
*lorū suo deferentiū ministerio ab-*  
*undantiā gratiarū, & sanctæ animæ*  
*ascendunt ad patriam beatorum. Et*  
*quam comendabilis sit, Iacob in Ge-*  
*nesi dicit: Quā terribilis est locus iste?* *Gen. 28<sup>o</sup>*  
*non est hic aliud, nisi domus Dei. & por-* *17<sup>o</sup>*  
*ta cœli. Sed quando ista porta cæmē-*  
*to diuinæ gratiæ, per sanctas obser-*  
*uantias conglutinando est firmata,*  
*& postmodum per malos habitato-*  
*res sublato cæmento destructa, lu-*  
*gendū est multa cōpassione de talis*  
*portæ diruptione. Vnde dicitur in*  
*Ier. Luxit Iudæa, & porta eius corru-* *Ieremia*  
*tunt.* *16* *Ter-* *14. 2<sup>a</sup>*

**711.**  
**Bonorū**  
**Societas.** Tertium quod aggrauat pecca-  
 tum in Monasterio peccantis, &  
 malè conuersantis, est bonorum so-  
 cietas. Malus enim in societate bo-  
 norum, est sicut Diabolus inter ag-  
 gmina Angelorum; Sicut legitur in  
**Iob. 1. 6.** *Iob: Quadam die cum venissent filij*  
*Dei ut assisteret coram domino, affuit in-*  
*ter eos etiam Sathan.* Ille est etiam  
 Iudas à domino electus, inter disci-  
 pulos pessimè conuersatus, quem  
 peccatis suis dominus Diabolum  
**Ioan. 6.** appellauit, dicens: *Nonne ego vos*  
**712** *duodecim elegi: & ex vobis vnus Dia-*  
*bolus est?* Sibi namque debetur su-  
 spendium infernale: quoniam est  
 inter sanctos animal singulare. Bo-  
 nus enim opera sua exercet in vi-  
 nea Saluatoris, & malus ibi obtinet  
 locum vastatoris, sicut dicit Psalmi-  
**Psal.** *Extirpauit eam aper de Silua:*  
**79. 14.** *& singularis ferus depastus est eam.* Ta-  
 lis est enim filius Diaboli, cum alij  
 sancti Socij eius, sint filij Dei; sicut A-  
 postolus

postolus ad Corinthios ait: *Fidelis* 1. Cor. 1.  
*Deus, per quem vocati estis in Societa-* 9.  
*tem filij Dei.* Et ideo non est mirum  
 si ipsi sunt amabiles ad inuicem, cū  
 maiorem charitatem habeāt ad in-  
 uicem, quam fratres carnales; sicut  
 legitur in Prouerb. *Vir amabilis ad* Prouer.  
*Societatem, magis amicus erit quam* 18. 24.  
*frater.* Inter istos nulla impij con-  
 uersatio seu communicatio, nulla  
 societatis participatio. Nam sanctis  
 euntibus ad lucem quam dilexe-  
 runt, vadunt impij ad tenebras quas  
 elegerunt. Isti enim sunt sacratissi-  
 mum templum, & illi sunt mem-  
 bra, & habitatio Idolorum, atque  
 Diaboli. Vnde de prædictis Apосто-  
 lus ad Corinthios ait: *Quæ enim par-* 2. Cor. 6.  
*ticipatio iustitiæ cum iniquitate? aut* 14.  
*quæ societas luci ad tenebras? Quæ au-*  
*tem conuentio Christi ad Belial? aut*  
*quæ pars fidei cum infidei? Quis au-*  
*tem consensus templo Dei cum Idolis?*  
 Cum sint extrema dicta, conuentio  
 nulla. I 7 Quar-

**IV.**  
*Oppor-  
 tunitas  
 bene vi-  
 uendi.*

Quartum, quod peccatum aggra-  
 uat in eo, quod inter socios male cō-  
 uersatur & stat, est opportunitas be-  
 nē viuendi, quæ in claustro ordina-  
 to de facili potest haberi. Ipse enim  
 delectationes potuit habere spiri-  
 tuales, & eas abominatus, fuit am-  
 plexatus vilitates & asperitates car-  
 nales. Concupiuit vilia, & delecta-  
 bilia fastidiuit; sicut Beatus Grego-  
 rius dicit: Vesana mens plus alle-  
 qui aspera carnaliter, quam tenere  
 blanda spiritualiter gaudet. Habentes  
 manna fastidiunt, & sæpè desi-  
 derant quæ non sine lacrymis co-  
 meduntur. Et Beatus Bernardus su-  
 per illud Psal. *Confundantur omnes  
 iniqua agentes superuacue*, dicit: An  
 non superuacue & iniquè agit, qui  
 non modo fructuosius, sed etiam iu-  
 cundius seruire Deo poterat quam  
 mundo? Vnde cum, sicut dicitur in  
*Eccles. 8. 6.* *Eccl. Omni negotio sit tempus & op-  
 portunitas*; sicut quærunť suas oportu-  
 nitates

*Psal.*  
*24. 4*

*Eccles.*  
*8. 6.*

tunitates sancti, vt gratiam & auxi-  
 lium Dei inueniāt: sic quærunť sua,  
 membra Diaboli: vt omne bonum  
 in se, & in membris domini occi-  
 dant & perdāt. Ostendo tibi oppor-  
 tunitatē beatorum. De ipsa namq;  
 dicit Apost. ad Hebr. *Adeamus cum* Heb. 4.  
*fiducia ad thronum gratiæ eius: vt mi-* 16.  
*sericordiam consequamur, & gratiam*  
*inueniamus in auxilio opportuno. O-*  
 stēdo etiam tibi opportunitatē ma-  
 lortū. De Iuda legitur in Luca: *Quæ-* Luc. 22.  
*rebat opportunitatem, vt traderet eum* 6.  
*sine turbis.*

Aggrauat etiam quintò peccatum,  
 beneficium, victum scilicet & vesti-  
 tum à Deo recipientis, & malè con-  
 uersando in Monasterio ipsum ad  
 mortē impugnantis, mortiq; tradē-  
 ris. Vnde iterari potest verbū salua-  
 toris in Luca conquerentis: *Ecce*  
*manus tradentis me, mecum est in* Luc. 22.  
*mensa. Et Psal. dicit: Si inimicus* 21.  
*meus maledixisset mihi: sustinuissem* Psal.  
 54. 13.  
 utique

V.  
 Benefi-  
 cij rece-  
 prio.

utique. Et si is, qui oderat me, super me magna locutus fuisset: abscondissem me forsitan ab eo. Tu vero homo unanimes, dux meus & notus meus. Qui simul mecum dulces capiebas cibos. Hic talis dum est in bonorum societate, videtur esse Deo coniunctus bona familiaritate: & videtur dare osculum amoris, dum dat osculum proditionis. Cui in Luca improperat sententia, saluatoris dicens: *Iuda, osculo filium hominis tradis?*

Luc. 22.  
48.

VI,  
Sancta  
tractan-  
di præ-  
sump-  
tio.

Item sextò, peccatum in Monasterio malè conuersantis aggrauatur ex eo, quod indignissimè, & pollutè sancta tractat & sumit. Voce Deo laudes canit, & operibus maledicit. Sacramentum quod vitam præstat, ad mortem suam recipit & dispensat. Attendere enim deberet, quare ei sic Deus ad mortem irascitur, quod eum munditiæ diuinæ oculis respicere dedignatur; sicut in Habacuc



bachuc legitur: *Mundi sunt oculi tui, Hab. 1. 13*  
*ne videas malum, & ad iniquitatem*  
*respicere non poteris.* Pessimus enim  
 est ille cui dominus per beneficia  
 manum ostendit, & ipse malas vias  
 sequendo dominum non intendit.  
 Unde quanto ad faciē domini mi-  
 nistrando indignus stat frequētius,  
 tanto contra se iram Dei prouocat  
 durius. Vt ei conueniat quod in  
 ipso conquerendo dicit dominus.  
*Expandi manus meas tota die ad popu-*  
*lum incredulū, qui graditur in via non*  
*bona, post cogitationes suas. Populus*  
*qui ad iracundiam prouocat me, ante*  
*faciem meam semper.* Et cum ipse  
 ab immaculato D E O esset electus,  
 vindictam assumendo de eo, mon-  
 stratur Deus probabiliter esse san-  
 ctus. De his autem dicit Aposto-  
 lus ad Ephesios: *Elegit nos dominus,*  
*ut essemus sancti, & immaculati in*  
*conspectu eius.* Et in Leuitico dicitur;  
*Sanctificabor in ijs qui appropinquant*  
*mibi.*

*Isaie*  
*65. 20*

*Ephes.*  
*1. 4.*

*Leuit.*  
*10. 3.*

*mihī.* Expone sanctificabor, idest, sanctus apparebo in eis, qui mihi appropinquant indignè, vindictam sumendo de ipsorum peccatis. Melius esset tali, sancta tractare dimittere penitus, quam quod ea tractare præsumeret immundus criminibus, & pollutus. Hinc ait Beatus Augustinus: Melius est spiritualia penitus omitti, quàm impurè tractari. Deberet enim, considerare mortem, subitanam quam incurrit ille, qui indignè tetigit mystica, sicut in lib. Regum legitur de Oza: Quia enim immundus arcam tangere præsumpsit, morte subitanea expiravit.

2. Reg.  
6. 7.

Si igitur ita tactum arcæ mysticæ ab immundo terribiliter vindicavit, quid facturus est de illo, qui ad verum corpus & sanguinem immundus accedit? Vnde valdè timen-

timendum est quod Dominus in  
 Leuitico dicit: *Omnis homo qui ac-* *Leuit.*  
*cesserit ad ea quæ consecrata sunt, in* *22. 30*  
*quo est immunditia, coram Domino*  
*peribit.* Item in Exodo: *Sacerdo-* *Exod.*  
*tes qui accedunt ad dominum sanctifi-* *19. 22.*  
*centur, ne percutiat eos.*

Non est mirum si Deus velit ha-  
 bere ministrum mundum, & pro-  
 prium punit præsumentem, indi-  
 gnum, & extraneum, acceden-  
 tem ad sibi ministrandum. Un-  
 de in Numeri legitur: *Quisquis* *Num. 18*  
*externorum ad ministrandum accesse-* *51.*  
*rit, occidetur.* Et ideo dicit Apосто-  
 lus ad Corinthios: Sententiam  
 attendendam, & terrore mentis  
 valde timidam: *Quicumque man-* *1. Cor. 10.*  
*ducauerit panem hunc, vel biberit* *27.*  
*calicem domini indigne: reus erit cor-*  
*poris & sanguinis domini.* Timendum  
 est etiam, quod officium habens re-  
 conciliatoris, quatum est in se, iram  
 magis

magis prouocat saluatoris. Et quando intendit placare, nequit: quia constat eum domino displicere. Vnde dicit Beatus Bernardus: Væ filijs iræ, qui nondum reconciliati, reconciliatoris officium sibi assumunt. Item: Si non placet, non placat. Vnde Beatus Gregorius: Cum is qui displicet ad intercedendum mittitur, irati animus ad deteriora prouocatur. Talis voce Deum laudat, vt dictum est, tamen laudibus eius operibus contradicit. Solis enim rectis laudare DEVM conuenit, non immundis; sicut dicit Psalmista: *Rectos decet collaudatio.* Vnde quando laudes Domini per immundum narrantur, terribiliter à Domino interrogatur: *Quare tu enarras iustitias meas, & assumis testamentum meum per os tuum?* Laudare enim Deum, non est hominum immundorum, cum sit propriè Angelorum. Nec est hominis

*Psalm.*  
32. 1.

*Psalm.*  
49. 16.

hominis à mente discordantis, sed  
 vocem cum mentis puritate dulci  
 melodia concordantis. Vnde qui-  
 dam dixit: Voci vita non discordet,  
 cum vox vitam non remordet, dul-  
 cis est simphonia. Et Beatus Pater  
 noster Benedictus cum puritate  
 psallere docuit; Ipse enim sic dicit:  
*Consideremus ergo qualiter oporteat* Cap. 19.  
*nos in conspectu diuinitatis & Angelo-*  
*rum esse: & sic stemus ad psallen-*  
*dum, ut mens nostra concordet voci*  
*nostra.*

Attendastamen ad ista: quia li-  
 cet in ore immundo fiant fordida  
 laudes, non tamen debent eas file-  
 re immundi & peccatores. Vnde  
 per Beatum Cæsarium dicitur: Nō  
 debet cessare quilibet etiam pecca-  
 tor à laudibus, quamuis expleri ne-  
 queat quod sentitur. Laus enim di-  
 uina peccatores ad Deum dirigit, &  
 per quod iter sit ad eum eundum,  
 ostendit. Vnde Psalmista dicit: Sa-  
 crifi-

*Nobile  
 documē-  
 tum.*